

Johanes 15:9 Kam Kukelengi bali ras Bapa engkelengi Aku; tetap min kam i bas kekelengenKu e.

Jesaya 43:1 O Israel, bagenda nina TUHAN si nepa kam, "Ola kam mbiar, sabap la benci lang Kukelini kam. Kudilo kam alu gelarNdu; Aku kap si njadiken kam, janah kam sikerajangenKu.

Jeremia 1:5 Kupilih kam ope denga Kubereken man bandu kegeluhun. Ope denga kam tubuh enggo Kuserapken kam jadi nabi man bangsa-bangsa.

Johanes 15:16 Labo kam si milih Aku. Tapi Aku nge milih kam janah nuruh kam lawes gelah erbuah meramis, e me buah si tahan rasa lalap. Adi bage, kai pe ipindondu i bas gelarKu ibereken Bapa e nge man bandu.

3 Johanes 1:2 O temanku si kukelengi, ertoto aku gelah kai si mehuli jadilah man bandu, janah mejuah-juahlah bagi kueteh maka kegeluhun pertendinndu pe mehuli.

Jesaya 43:4 Perban meherga kal Kuakap kam; medolat, janah keleng ateKu kam, e maka Kubereken kalak si deban jadi gancihndu, janah bangsa-bangsa si deban jadi gancih kesahndu.

Jeremia 31:3 Kucidahken diringKu man bana i bas ingan si ndauh nari. O kalak Israel, keleng kap ateKu kam gelgel nari, e maka tetap nge Kucidahken man bandu perkuah ateKu.

Hosea 11:8 Kuga benci Aku nirangken kam, o Israel? Kuga benci Aku nadingken kam? Benci kin kam Kukernekpen bagi si Kubahan man Adma, tah pe bagi si Kulakoken man Seboim? PusuhKu erkusur maka ola ngelakoken si e sabap kekelengenKu man bandu seh kal belinna.

Johanes 3:16 Sabab bage pengkelengi Dibata doni enda, e maka iberekenNa AnakNa Sitonggal, gelah ola bene isie pe si tek man Bana, tapi gelah dat kegeluhun si tuhu-tuhu si la erkeri-kerin.

Jesaya 49:15,16 E maka erjabap TUHAN nina, "Benci kin nande ngelupaken anakna? Benci kin la keleng atena man anak si ipupusna? Aminna pe nande ngelupaken anakna, tapina Aku la ndigan pe ngelupaken kam kerina. 16 O Jerusalem, la ndigan pe kam Kulupaken! Sabap i bas tapak-tapak tanKu, gelarndu enggo Kusuratken.

Jesaya 41:13 Aku kap TUHAN Dibatandu, si ncikep tanndu si kemuhun. Janah Kukataken man bandu, 'Ola kam mbiar, Aku nampati kam.'

Matius 28:20 janah ajari ia ngikutken kerina si enggo Kupedahken man bandu. Janah ingetlah! Aku tetap kap ras kam seh ku kedungen jaman.

Johanes 14:1 Jenari nina Jesus man ajar-ajarNa kerina, "Ola aru atendu.

Ernalemlah kam man Dibata janah ernalem pe kam man bangKu.

Jesaya 41:14 Nina TUHAN, “Ola kam mbiar o Israel. Aminna pe kam kitik dingen la ergegeh bagi gaya. Sabap Aku kap si nampati kam; Aku, Dibata si Badia nu Israel, Aku si ngkelini kam;

Jesaya 43:2 Adi ikeparindu lau si mbages, Aku ras kam; la kam gedap i bas kesusahen si mesangat. Adi ibentasindu api si gurlah, la meseng kam; la kam talu i bas percuban si mberat.

Masmur 23:1-6 Masmur Daud. TUHAN kap permakanku, e maka la kekurangen aku. 2 I bas mbalmbal si meratah, ipesenang-senangNa aku. Kempak lau si teneng permalerna, itegu-teguna aku. 3 IpelimbaruiNa gegehku, ibabaiNa aku arah dalan si pinter erkiteken gelarNa. 4 Aminna erdalan pe aku arah kelbung si gelap, la aku mbiar jumpa cilaka sabap Kam kap ras aku, o TUHAN. IkawaliNdu aku, desken permakan ngkawali biri-biri alu ciken ras kayan-kayanna. 5 IaturkenNdu kerja si mbelin man bangku, maka kerina imbang-imbangku ngidahsa; desken temue si medolat, lalo-alondu aku alu namaken minak ku takalku. Jenari ielaiNdu aku alu inemen seh riba-iba. 6 Kueteh maka lalap Kam melias kempak aku, kueteh maka tetap ateNdu keleng man bangku, dingen rumahNdu jadi rumahku kidekah umur geluhku.

Johanes 14:27 Malem me atendu Kutadingken; Kemalemen ateKu Kubereken man bandu. Carana Aku mere kemalemen ate e man bandu labo bali ras cara doni enda merekenca. Ola ukurndu gulut janah ola kam mbiar.

Pilipi 4:7 Kemalemen ate si rehna i bas Dibata nari, si la terukuri manusia, ngarak-ngarak pusuh ras ukurndu erkiteken persadanndu ras Kristus Jesus.

Kuan-Kaunen 3:24 Tupung tunduh la kam mbiar janah badeh pertunduhndu gedang-gedang berngi.

Masmur 4:9 Adi medem aku, entabeh pertunduhku, o TUHAN, Kam saja ngenca si mereken ketenengen si tuhu-tuhu bangku.

Masmur 33:18 TUHAN ngkawali kalak si ngikutken la, kalak si ernalem man keleng ateNa si la ersibar.

Roma 5:2 Jesus Kristus me si maba kita bengket ku bas lias ate Dibata erkiteken kinitekenta. Janah i bas lias ate Dibata e me kita nggeluh dingen ringan. Dage meriah ukurta sabap lit pengarapenta maka kita ikut dat bagin i bas kemulian Dibata.

Jesaya 55:12 Itadingkenndu Babil alu dem keriahen, alu dame kam kerina itaruhken. I lebe-lebendu rende meriah deleng-deleng ras uruk-uruk, batang-batang kayu ersurak ras ertepuk-tepuk.

Johanes 16:22 Bage me pe kerna kam: Genduari ceda atendu, tapi kenca

jumpa kita pagi mulih tuhu-tuhu meriah kal ukurndu, janah ise pe la ngasup muat keriahen si lit i bas kam e.

Lukas 12:9 Tapi ise la ngakui maka ia ajar-ajarKu i lebe-lebe manusia, Anak Manusia si isuruh Dibata pe pagi mersoken ia i lebe-lebe malekat Dibata.

Matius 10:30 Janah buk takalndu pe enggo ibeligaiNa.

Jesaya 54:10 Bicara deleng-deleng miser gia, uruk-uruk pe mundu-undu, tapi keleng ateKu tetap la miser i bas kam nari, janah padan dame si Kubahan lalap paguh la mundu-undu.” Bage nina TUHAN si ngkelengi kam tetap.

Matius 11:28-30 "Marilah kam si latih janah beraten, maka Kubereken pengadi-ngadinndu. 29 Tamakenlah pasangenKu ku kudukndu janah erlajarlah i bas Aku nari. Sabap Aku melias janah meteruk ukurKu; alu bage idatndu me kemalemen ate. 30 Sabap pasangen si Kubereken man bandu ntabeh mabasa, dingen baban si Kutamaken ku babondu menahang kap."

Ende-Enden Solomo 2:10 Ngerana impalku man bangku. Mari impalku, ikutken aku.

Hosea 2:14,19,20 Erkiteken si e Kuendik-endik ia, jenari Kubaba ka ku gurun pasir, janah i je ngerana Aku man bana alu cakap si medate. 19 O Israel, Kubahan kam jadi ndeharangKu; Aku tetap setia man bandu; Kucidahken bandu kekelengen ras perkuah ateKu rasa lalap kam sikerajangenKu. 20 I bas perjabunta, padanKu tetap Kucikep e maka iakuindu maka Aku kap TUHAN.

Keluaren 3:14 Nina Dibata man Musa, “Enda me si arus ikatakenndu man bana, ‘Si tergelar AKU TETAP AKU enggo nuruh aku njumpai kam.’

Hosea 13:4 Nina TUHAN, “Aku kap TUHAN Dibatandu, si mabai kam ndarat i Mesir nari. La lit Dibatandu si deban seakatan Aku. Aku ngenca si ngkelini kam.

Johanes 15:14 Kam teman-teamanKu adi idalankenndu kai si Kupedahken man bandu.

Ketangkasen 3:20 Nehenlah! Aku tedis i lebe-lebe pintun janah kutuktuk. Adi lit kalak megi sorangKu jenari italangina pintun, bengket me Aku ku bas rumahna jenari man Aku ras ia janah man ia ras Aku.